

лукнила стилисти белгидирниличи, лугъатуначила имцали тинти баянти дурчнеличи дурхнала пикри битлакни кюлайсилизи халбирули саби.

Ишди программабани халаси пикри бяхичиули саби практический хянчурбачи, чузирра вархили лукнила, гъайикнила, багълабирнила ишараби кадалтнила масъулти имцали мурхили ва гъатира чедетаахили ирзуги.

Программабала гъарил тема клел бутализибад цалабикибси саби. Цаибил бутализиб чебаахили саби, делчунтира цазаманализир тикрардирули, теориялашалти багъудлуми мурхъдарес ва тинтидарес. Клибил бутализиб практикалашалти устадеш чеахъдиклахъес ибси масъала тлашбалтули саби.

Чидни-биалра темаби къяндулхъули диалли тикрардирнилис чедаахъити сягятуни учительлис къяндулхъути темабас яра белкли хянчурбас пайдаладарес вирар.

Тяп илкъяйда учительла ихтиярлизир далтути сари 11 ибил класслизирра тикрардирнилис чедаахъити сягятуни.

Учительлизиб ихтияр лебси саби бучантани ца тема гъамадли иргъули биалли, илис чедаахъити сягятуни камдарили, цархилти имцали къяндулхъути темабас харждарес.

Белчудила план хясибли, дарган мезлис ва литературалис чедаахъити сягятуни ишкъяйда дуртлу :

Классуни	Жумяглизир сягятуни	Дарган мезлис	Литературалис
5	4	2	2
6	4	2	2
7	4	2	2
8	4	2	2
9	4	2	2
10	3	1	2
11	3	1	2

Ишди программаби бег гъалар дурадхъунтири 1992 ибил дуслизир. Кам-гъамти дарсдешуначил гъанна сагадан (хляйнайс) кадяхъити сари.